

L'aria de campagna (VENEZIA)

Armonizzazione di Gino Mazzari

Cusir no la sa cusir
filar no la sa filar
ma l'aria de campagna
ma l'aria de campagna

La dis cha la ga un bel let
con tre tole e un cavalet
ma l'aria de campagna
la dis che la ghe fa mal

La dis che la ga l'anel
ma l'è quel de so fradel
ma l'aria de campagna
ma l'aria de campagna

La dis che la ga i ociai
ma no la li porta mai
ma l'aria de campagna
la dis che la ghe fa mal

La dis che la sa basar
ma l'è mata da ligar
ma l'aria de campagna
ma l'aria de campagna

La dis che la ga 'n bon vin
ma l'è l'acqua del so molin
ma l'aria de campagna
la dis che la ghe fa mal

La dis che la ga 'l moros
ma l'è gobo e pien de tos
ma l'aria de campagna
ma l'aria de campagna

La dis che la è gentil
ma la magna col baïl
ma l'aria de campagna
la dis che la ghe fa mal.